


普超三昧經



百五十四  
惟四

48312



佛  
 同  
 增  
 輝  
 佛  
 龕  
 輪  
 常  
 轉  
 山  
 城  
 州  
 天  
 安  
 寺  
 法  
 金  
 剛  
 院  
 置

辛酉年二月日重脩



普超三昧經卷第二

惟

西晉三藏法師竺法護譯

幼童品第四

尔時世尊告舍利弗假使有人為族姓子若  
族姓女欲疾滅度當發無上正真道意所以  
者何今吾覩見懼終始難而不肯發無上正  
真道志願聲聞疾欲滅度續在生死而有所  
慕然諸菩薩通達精進等任於法逮諸通慧  
為一切智所以者何乃徃久遠過去世時不  
可計會不可思議無央數劫時有如來号一  
切達興出于世如來至真等正覺明行成為  
善逝世間解無上士道法御天人師為佛眾



祐佛告舍利弗其一切達如來正覺聲聞集  
會有百億衆其佛壽命任百千歲佛有聲聞  
上首弟子智慧巍巍名曰超殊神足飄捷次  
名大達於時如來興五濁世明旦正服著衣  
持鉢與諸聖衆眷屬圍繞有大國号名聞物  
入於斯城而行分衛其大聲聞智慧最尊待  
佛之右神足最上侍佛之左智慧博聞最殊  
勝者隨從佛後八千菩薩而在前導或化現  
身若如帝釋或如梵天如四天王或天子形  
嚴治道路佛告舍利弗彼時如來向欲入城  
見三幼童衆寶莊嚴瓔珞其身逍遙中路而  
共遊戲時有一幼童遙見如來晃然顯赫威



神巍巍端正無倫諸根寂定志性懔怕獲上  
調順第一靜寔降伏諸根如仁賢龍象如大  
淵渟清澄無垢有三十二大人相八十種好  
徧布其體如日出時光曜弈弈與大眾俱如  
星中月時一幼童謂二童曰汝等豈見如來  
來乎是者則爲一切之尊無上衆祐爲世福  
田光明灼灼焯焯畢難當吾等僉然宜供養之  
其進施者利慶弘大以頌讚曰  
斯者衆生尊 福田無有上 常共俱供養  
施此祚無量  
第二幼童曰  
今我無異華 亦無雜澤香 斯聖無等倫

當何以供養

於是一童子即脫頸上所著珠瓔價直百千以  
頌讚曰

當以此供養

無上之福田

何所明智者

見斯有所悟

於時二童效彼童子各各解脫頸著珠瓔以

手執持而歌頌曰

具供養正覺

度汜制江波

脫無量心童

住于平等法

余時一童謂二童曰汝等以斯德本何所志

求一童子曰

其在世尊傍

右面大聲聞

智慧尊第一



吾誓願如斯

二童子曰

猶如世尊傍

左面大聲聞

神足超最尊

吾身願如斯

於時二童謂一童曰族姓子以斯德本欲誓

何願一童報曰

如今者如來

至真等正覺

普見一切達

猶若師子步

照曜大眾聖

吾身誓若斯

三界尊第一

度脫諸十方

時一幼童適說此已尋虛空中八千天子俱

讚歎曰善哉善哉快說此言今仁發意天上

世間悉蒙救護佛告舍利弗時一切達如來

正覺邊有侍者名曰海意博聞最尊而告之  
曰寧見三童各執珠瓔而遊來乎對曰已見  
天中之天世尊告曰比丘欲知中央幼童建  
其志性巍巍難量一一步中超越百劫終始  
之患其一舉足功德之本當更百臨轉輪聖  
王受帝釋位亦復如斯昇生梵天爲梵天王  
亦當如是一一舉足功德之本更見百佛時  
三幼童往詣一切達如來所誓首足下以寶  
珠瓔散世尊上其發小意爲聲聞者所散珠  
瓔任兩肩上其一童發諸通慧心所散珠瓔  
在於佛上虛空之中變爲交露重閣枰帳四  
峙周章莊嚴平等化於其中而有牀座如來



處之於是一切達如來尋如欣笑侍者啓問  
唯然世尊以何故笑笑會有意如來告曰海  
意汝覩於斯二童發聲聞意手執珠瓔散如  
來乎對曰已見大聖又告比丘欲知二童懼  
生死難發怯弱意意求救護猶是不發無上  
正真道意欲得聲聞為尊弟子然後來世皆  
當得證一者智慧最尊二者神足無雙佛告  
舍利弗卿意疑乎時中央童發諸通慧者則  
吾身是願右面童者舍利弗是願左面童者  
大目犍連是舍利弗觀卿等本時懼生死難  
雖殖德本不能發無上正真道意心志怯弱  
欲疾滅度不能超速甫因吾法而得無為今

寧觀吾諸通慧耶汝等之友爲佛弟子乃得  
解脫以是之故當作斯觀假使有人欲疾滅  
度當發無上正真道意所以者何所言超速  
謂諸通慧莫能過者諦而無欺其乘第一普  
安一切羣生之類則諸通慧也爲最微妙特  
尊無上爲無等倫無有疇匹爲無雙比無能  
出過無罣礙乘一切聲聞緣覺之乘所不能  
及是則名曰諸通慧乘佛時說斯大乘法典  
則一萬人發無上正真道意應時於彼諸大  
聲聞賢者舍利弗大目犍連大迦葉離越阿  
難律和利分耨文陀尼子尊者須菩提等自  
投于地稽首佛足俱白世尊唯然大聖若族



姓子族姓女發大意者當供養之後微妙解脫處至真行所以者何正使百千諸佛世尊爲吾等說諸通慧行不能堪任無有勢力發通慧心一切慧者無所罣礙殊勝難及寧令吾等犯五逆罪在於無間而不中止不捨於無上正真道意而爲聲聞所以者何設犯逆罪墜于地獄受諸苦毒其痛會畢從地獄出而不違遠無所罣礙諸通慧心計如今者當何所施無所堪諧焚燒正真敗壞根原於茲佛慧無罣礙智非是佛器譬如殄歿之士無益親屬吾等如是以聲聞乘而志解脫捨於一切無益衆生譬如此地多所饒潤一切羣萌

二足四足若多足者如是世尊其發無上正  
真道意天上天下蒙恩獲度

普超三昧經無吾我品第五

尔時世尊說斯本末向欲竟已王阿闍世乘  
四馬車將四部兵象車步騎往詣佛所稽首  
佛足右遶三帀退坐一面白世尊曰唯天中

天衆生所住何所依因何緣而興何由得罪  
佛告王曰以住吾我人壽命者衆生由此而  
造罪豐依倚貪身興緣顛倒群萌因斯而起  
灾患又問其貪身者根源所在世尊荅曰其  
貪身者無慧爲本又問其無慧者何所爲本  
荅曰所念邪友則是其本又問所念邪友何



所是根荅曰虛僞是根又問虛僞何所是根  
荅曰無實諸想是則為根又問無實諸想何  
所是根荅曰謂無所有無覺是根又問何謂  
無有無覺荅曰謂無生無有是謂無覺又問  
不生不有當何計之數在何所荅曰其不生  
不有彼無有計又問狐疑之事何因緣起荅  
曰其狐疑者從猶豫起又問猶豫為何所是  
荅曰賢聖所說誠諦之語聞則懷疑斯謂猶  
豫又問何所賢聖何言審諦世尊荅曰其賢  
聖者謂除一切愛欲諸見其審諦者知一切  
法悉無所有王阿闍世白世尊曰所謂賢聖  
無所有者實為虛僞世尊安住從已勞塵而

造立之倚著於世聞諸賢聖所講說者而心  
猶豫獲不可計歿豐之罪我父世尊久無愆  
咎無所鞫綴而危其命貪國土故惑於財寶  
迷于榮貴荒於產業耽利宰民而圖逞害持  
疑怵惕不能自寧若在歡會戲樂無娛若在  
中宮嫒女熙遊若坐若卧有所決正若在獨  
處聽省國事處羣僚上晝夜憂悸不能捨却  
沉吟之結不歆飲食雖有美饌不以爲甘其  
目昧昧所覩萋萋顏貌憔悴心恒戰灼所處  
不安畏壽歿後墜于地獄仰惟如來其恐怖  
者能使無懼其盲冥者惠授眼目其沉沒者  
而拯拔之遭苦惱者使獲大安無所歸者而



受其歸其無護者而為救濟其貧窮者給施  
財業其有病者消息療治其墮邪徑示以正  
路其在正路為興大哀其心忍勞不以為患  
等恤羣黎其慈堅固究竟本末不以苦樂而  
有動轉如來所興救度衆生無所遺漏不捨  
一人私怙世尊垂恩安慰除其惶懼孤無有  
救惟為作救令飢渴者而得飽滿今已虛乏  
而欲躡地惟蒙扶接今無所歸願受其歸令  
已沉沒願加拯拔我身得無墮大地獄至于  
無擇唯然大聖如應說法使我狐疑解散愁  
結今無猶豫使其重罪而得微輕於時世尊  
而心念曰王阿闍世所說聰達而甚微妙所

入之法甚爲憂奧其餘人者莫能堪任爲使  
狐疑令無餘結其惟輒首能雪滯礙時舍利  
弗承佛聖旨謂王阿闍世欲辯疑惑當饌餽  
饌請輒首童真則當使王虛僞塵勞狐疑之  
結鎮安國土及與中宮受王牀榻衆諸供饌  
中宮姝女及諸侍從獲無量福羅閱祇城摩  
竭大國無數衆生皆享利義阿闍世王即前  
啓白輒首童真唯加愍哀與其營從受小食  
食輒首荅曰大王且止已具足供於正法律  
未有是記受于衣服若食饌具希望加哀王  
則又白當何陳露呈現丹赤輒首荅曰假使  
大王日聞深法殊特真義不恐不怖不以畏



憐不以震懼不難不懼乃爲加哀正使大王  
不想念法亦非無想無想不想如是行者乃  
爲加哀縱使大王不想去心亦無不想不念  
來心亦無不想於現在心亦無所受乃爲加  
哀設使大王不墮邪見亦不滅除亦無所見  
亦無不見乃爲加哀王阿闍世又白輓首曰  
今之所說悉法所載惟見愍傷當受其請輓  
首荅曰王當知之法律所載不以恩施供養  
分衛食衣之饌若使大王不計有我不計有  
人不計有壽不計有命乃爲加哀爲受供施  
設使大王不自愛身不愛他身悉無所取乃  
爲加哀假使大王不攝斂心不計因緣不在

陰種諸入之事無有內法無有外法不受三界不度三界無善不善無得不得不處於世亦不度世無罪無福亦無有漏亦無不漏亦不有爲亦不無爲不捨生死不受滅度是爲加哀王荅曰唯然輒首吾當啓受如斯法義以是之故當就余請哀垂愍傷下劣徒類輒首荅曰王當了之設使諸法所有倚者所有受者有所得者有所救護則不蒙哀不得至安如使於法有所著者而爲想念有所立處而爲放逸皆爲依著想念有處放逸之護設使大王究竟望畢極至永安乃無有患如今大王復有所作則不荷哀不至安隱王阿闍



世又問輒首曰受何所法而無所患至無所  
有輒首荅曰若了空者而無所作亦無不作  
無相無願亦無有作亦無不作若使大王有  
所造立而爲行者身口意作則是所作假令  
不有所作亦無所得以身口意而無所造則  
無所作是故大王一切諸法悉無有相其無  
所行無所有者則是其相又問輒首何謂所  
行而無所不行有所造亦無不造不增不減  
輒首荅曰假能不念過去已盡不念當來未  
至不念現在而無所起不想有常無常是爲  
無行亦無不行其能等色於諸因緣而爲衆  
緣不增不減又問輒首塵勞之欲爲是道乎

云何與合輒首荅曰王意云何其日明者與  
冥合耶荅曰不也日明適出衆冥晷滅王寧  
別知冥所去處乎在於何方積聚何所荅曰  
不及輒首曰如是大王興道慧者塵勞則消  
不知塵勞之所湊處亦無有處無有方面以  
是之故當了知之道與塵勞而俱不合又等

塵勞則名曰道等於道者塵勞亦等塵勞與  
道等無差特一切諸法亦復平等假使分別  
如斯義者塵勞則道所以者何以塵勞故現  
有道耳塵勞無形亦無所有求塵勞者則為  
道也王又問曰云何求於塵勞而為道乎輒  
首曰設有所求不越人心亦不念言是者塵



勞是爲道也。以是之故，塵勞爲道，其塵勞者亦入於道。王又問曰：云何塵勞而入於道？云何爲行？輒首曰：於一切法而無所行，乃爲道。行於一切法亦無不行，是爲道。行。王又問曰：行道如斯，爲何歸？輒首曰：如是行者，爲無所趣。王又問曰：道豈不至泥洹乎？輒首問王：寧有諸法至滅度乎？荅曰：不也。輒首曰：是故大王至無所至，爲賢聖道。又問曰：其賢聖者，爲何所處？輒首曰：其賢聖道則無所任。又問曰：其賢聖道不處禁戒博聞之慧乎？輒首曰：賢聖戒者無有行相，無放逸相，爲聖定意，無所著相，爲聖定意，無所念相，爲聖智慧。王意

云何其無所行無有放逸有所處乎。答曰不也。輒首曰以是之故。王當知之。無所任者則賢聖道。王又問曰族姓子族姓女云何向道。輒首曰假使所不求不覩法有常無常亦無所得不計諸法有淨無淨有空無空若我無我若苦苦若樂於諸法者亦無所得不見諸法在於終始若滅度者如是行者爲向於道。王阿闍世白輒首曰以是之故唯當受請。因斯使余離諸顛倒。今得解脫分別淨行與諸眷屬而就宮食。輒首曰向者說之悉無所有無有生者無有善哉與不善哉其無所有無有解脫其解脫者則無所有亦無解脫亦無解脫。



脫者所以者何一切諸法皆自然淨尔時世  
尊告輒首曰受阿闍世王請以此之緣令無  
數人逮得利義至安隱度輒首童真見世尊  
勸則言惟諾當受其請不敢違失如來教故  
阿闍世王歡喜踊躍已見受請善心生焉誓  
首佛足及輒首童真一切聖衆便退還出請  
舍利弗輒首眷屬為有幾人舍利弗荅曰五  
百人俱而當往就王入于城還於宮中即夜  
興設若干食饌百種之味施五百榻無量坐  
具而敷其上莊嚴宮殿懸繒幡蓋燒名雜香  
而散衆華及四衢路普一城內皆悉掃除灑  
以香汁令國人民男子大小莊校嚴飾賫持

香華咸俱奉迎輓首童真

普超三昧經揔持品第六

於是輓首於初夜中從其室出而自念言吾  
身不宜與少少人眷屬而俱就於王請今吾  
且當詣異佛土請諸菩薩皆令普聞講說經  
法斷諸狐疑就阿闍世王宮而食輓首童真  
如勇猛士屈申臂頃忽然不見斯須超越八  
萬佛國至於東方常名閻界其佛号離聞首  
如來至真等正覺今現在說法為諸菩薩說  
清淨典其佛世界如來一時等轉六度無極  
自然通達具足廣宣不退轉法其佛國土一  
切諸樹若干種華菓實茂盛每從其樹常自



然出佛聲法聲不退轉輪菩薩衆聲是故卅  
界号常名聞斯道寶聲常不斷絕故故曰常  
名聞輒首童眞詣離聞首佛所誓首足下白  
其如來唯然卅尊遣諸菩薩與余俱徃至于  
忍界詣阿闍卅宮而就其請離聞首如來告  
諸菩薩曰諸族姓子與輒首俱詣忍卅界從  
意所樂於是會中二萬二千菩薩大士同時  
發聲應唯然卅尊我等願與輒首俱詣忍界  
於是輒首與二萬二千菩薩從常名聞國忽  
然不現至於忍界自處其室輒首會諸菩薩  
大士而於初夜說揔持法何謂揔持所以揔  
持繞御諸法心未嘗忘所志無亂其心未曾

有捨廢時學智慧業精覈諸法審諦之義分  
別正慧得果證者但文字耳度至寂然條列  
一切諸法章句攬賢聖要不斷佛教不違法  
命攝取一切賢聖之衆於諸經法部分典籍  
入於一切殊絕智慧不著衆會亦無怯弱遊  
步衆會宣揚經典無所畏憚出諸天音料簡  
明智於天龍神阿須倫加留羅真陀羅摩休  
勒究暢其音而爲說法出釋梵音覺了平正  
知諸根源識練邪見諸所立處揔持觀察一  
切衆生根源所趣所任等心於世八法而不  
動轉具足一切真正之法隨其罪福報應果  
證而爲說法興發衆生之造志業立諸群黎



處于禁戒其慧普入爲諸蒸庶代負重擔不以勤勞而有患馱解脫諸法本性清淨以斯本淨而爲人演以本淨慧解脫道義慧無罣礙習設法施其心堅固未曾懈倦有所說者無有疑結不貪一切供養利入而不忘捨諸通慧心力勵集累衆行慕靜布施無馱而每勸助於諸通慧禁戒無馱以斯勸化一切衆生忍辱無馱求佛色像精進無馱積衆德本一心無馱修行專精使無衆冥智慧無馱入一切行以道法業於此一切而無所生諸族姓子所謂揔持攝取一切不可思議諸法要義持諸法無所行無行故曰揔持又族姓子

其揔持者攝持諸法何謂揔持諸法攬執諸  
法一切皆空攬執諸法一切無相攬執諸法  
一切無願離諸所行寂寞無形悉無所有亦  
無所覺亦無所行無有處所亦無所生亦無  
所起亦無所趣亦不滅盡無來無往亦無所  
壞亦無所度亦無所敗亦無所淨亦無不淨  
亦無所嚴亦無不嚴亦無所著亦無所有亦  
無所見亦無所聞亦無所志亦無所教亦無  
有漏亦無想念亦不離想無應不應亦無顛  
倒亦無滿足無我無人無壽無命亦無放逸  
亦無所受亦無所取亦無殊特猶如虛空無  
有名聞亦無所獲無所破壞亦無有二審任



本際一切法界一切諸法任於無本是謂揔持又族姓子一切諸法譬若如幻而悉自然揔持諸法自然如夢自然如野馬自然如影自然如響自然如化自然如沫自然如泡自然如空分別諸法而如此者是謂揔持

輒首曰譬如族姓子地之所載無所不統不增不減亦無所置不以爲獸假使菩薩得揔持者則能利益一切衆生恩施救濟無央數劫衆德之本至諸通慧而心揔持亦無所置不以爲獸譬如族姓子於斯地上一切衆生而仰得活兩足四足靡不應之菩薩大士得揔持者亦復如是於群生類多所饒益譬如

族姓子藥草樹木百穀衆果皆因地生假令  
菩薩逮得揔持亦復如是便能興闡一切德  
本諸佛之法譬如族姓子地之所載亦無所  
置亦不憂感不動不搖不以增減菩薩如是  
亦無所置不以憂感不增不減亦不動搖譬  
如族姓子於斯地上悉受天雨不以爲猒菩  
薩如是逮揔持者悉受一切諸佛典誥及諸  
菩薩一切緣覺聲聞之法餘正見士平等行  
者沙門梵志一切衆生天上世間聞其說法  
不以爲猒聽所說經不以爲倦譬如族姓子  
地之所種皆以時生不失其節亦不違錯應  
時滋長菩薩如是逮得揔持統攝一切諸功



德法不侵欺人亦不失時具足所行坐於佛  
樹處在道場至諸通慧譬如族姓子勇猛高  
士在於邦域而入戰鬪降伏怨敵無不歸依  
菩薩如是得揔持者處於道場坐於佛樹降  
伏衆魔譬如族姓子檢一切法有常無常若  
微妙者安隱非我及計無常及諸瑕穢及苦  
非我所以者何惟族姓子以離二故則謂揔  
持譬如族姓子虛空無不受持亦非揔持亦  
無不持菩薩如是得揔持者攬攝一切諸法  
之要譬如族姓子一切諸法及諸邪見皆悉  
爲空悉揔持之菩薩如是得揔持者無所不  
攬揔持如是救攝一切諸法之義是爲族姓

子計揔持者無有盡時以無有盡則無放逸  
以無放逸則處中間以等處者則無有身則  
處空界以如虛空虛空及地則無有二輒首  
童真說此言時五百菩薩得斯揔持

普超三昧經三藏品第七

時輒首童真於中夜爲菩薩大士講三篋藏  
菩薩秘典何謂菩薩篋藏秘要觀諸經法無  
不歸入於此篋藏若世俗法度世法有爲法  
無爲法若善法不善法有罪無罪法有漏無  
漏法悉來歸趣入菩薩藏所以者何菩薩篋  
藏經典要者曉了一切諸法之義譬如族姓  
子此三千大千世界百億四天下天地百億



日月百億須彌山王百億大海悉苞含入三千大千世界爲一佛土如是族姓子若凡夫法及餘學法若聲聞法緣覺法若菩薩法及與佛法悉來入歸菩薩篋藏所以者何菩薩篋藏一切攝護聲聞緣覺將養大乘譬如族姓子其樹根株堅固盛者枝葉華實則爲滋茂又族姓子設有攝取菩薩篋藏菩薩大士則爲攝取一切諸乘將養一切衆德之法菩薩藏者名無量器所以名曰無量器者譬如大海受無量水爲苞含器不可計實諸龍鬼神捷沓和阿須倫加留羅真陀羅摩睺勒及衆生類在禽獸者含受此等爲無限器菩薩

藏者經典秘要亦復如是爲無限施聞戒定  
慧度知見器以故名曰菩薩篋藏譬如含血  
之類生大海者以生於彼不飲餘水惟服海  
水菩薩如是行菩薩藏不於餘法有所造行  
惟常修行諸通慧義以故名曰菩薩篋藏又  
族姓子菩薩有斯三篋要藏何謂三一曰聲  
聞二曰緣覺三曰菩薩藏聲聞藏者承他音  
響而得解脫緣覺藏者曉了緣起十二所因  
分別報應因起所盡菩薩藏者綜理無量諸  
法正義自分別覺又族姓子其聲聞乘無有  
三藏其緣覺者亦無斯藏有所說法菩薩究  
練三藏秘要因菩薩法而生三藏聲聞緣覺



無上正真道故曰三藏菩薩說法勸化衆生  
令處三乘聲聞緣覺無上正覺是故菩薩名  
曰三藏有此三藏無餘藏學何謂爲三聲聞  
學緣覺學菩薩學何謂聲聞學但能照己身  
行之相緣覺學者是謂中學行大悲者謂菩  
薩學至無量慧攝取大哀其聲聞者不學緣  
覺之所學者亦不曉了其緣覺者不學菩薩  
所學亦不曉了又菩薩者悉學聲聞所遵學  
者皆曉了之不願樂彼亦不勸助修其所行  
學於緣覺所遵學者悉曉了之不願樂彼亦  
不勸化使修其乘又菩薩者學於菩薩當所  
學者悉曉了之願樂勸修其乘所行勸所行

已則說聲聞所行解脫亦講緣覺所行解脫  
分別菩薩所遵解脫如是族姓子其有曉了  
此所學者是則名曰菩薩箇藏如琉璃器有  
所盛者應時一切亦自然性如琉璃色如是  
族姓子菩薩假使入菩薩藏所可遊居於諸  
法者見一切法悉爲佛法菩薩假使入菩薩  
藏不覩諸法而有處所設有覺了諸佛乘者  
不見諸法之所像類其不學於菩薩學者則  
見諸法而有處所設學菩薩之所學者不見  
諸法而有處所設學菩薩之所學者不見諸  
法有所任處其不修行計斯一切皆爲自然  
如是族姓子假使菩薩入菩薩藏在在所行



所遊諸法一切悉見諸佛之法假令菩薩入  
菩薩藏不見諸法有所像類設使曉了諸佛  
法者則亦不覩諸法之處學菩薩學不見諸  
法之所歸趣其不修觀彼則覩見一切諸法  
而有逆順一切衆生覩不順者菩薩皆見諸  
法順正覩於諸法無有一法非佛法者是故  
名曰菩薩篋藏又族姓子菩薩藏者說無崖  
底文字所演順而應時不可計量所立之處  
不可思議垂顯光明靡不通達無有邊際莫  
不照曜多所利益悉令歸趣於諸通慧而令  
羣萌悉樂無本假使有學於彼學者甫當學  
者一切悉當入此菩薩篋藏則至大乘已欲

學者方當獲者其不至者悉使得至而今普  
入如是輒首爲諸菩薩衆集會者在於中夜  
說菩薩藏經典秘要廣分別演義歸所趣  
普超三昧經不退轉輪品第八

輒首童眞復於後夜爲諸菩薩大士廣宣講  
演不退轉輪金剛句跡何謂不退轉輪又族姓  
子所以名曰不退轉輪者如今菩薩說經法  
時若來聽者悉獲義歸不復迴還而便講說  
不退轉輪令其信樂不退轉輪菩薩行者不  
爲衆生造若干行不爲諸法修若干行不於  
國土興若干行不於諸佛起若干行不於諸  
乘行若干行一切所至而悉普見轉於法輪



不壞法界是謂乃爲轉於法輪是故名曰不退轉輪彼所轉輪而無斷絕其輪修理無有二輪其輪如是如悲哀輪其輪所趣自然之義在已所至其輪所趣法界場輪又族姓子假使菩薩信樂於斯不退轉輪則得解脫已身之患則爲信樂一切所信一切所想如來所興悉亦信之以信得脫於如來者無有二脫亦不說二如其如來相好解脫諸法之相一切法想信如來脫則無有相已離脫相則至自然濟于已身如是之行莫能脫者亦莫能踰於斯慧者是故名曰不退轉輪又族姓子不退轉輪不退于色色自然故痛想行識

亦復如是識不退轉識自然故所以者何則  
不退轉一切諸法猶如無本則爲法轉是故  
名曰不退轉輪其法輪者無有邊限無維無  
嶮無有斷絕無常輪故其法輪者亦無有門  
無有二故則法輪門其法輪者無能轉者無  
所轉故其法輪者亦無所說法輪無言故其  
法輪亦無名稱無所顯曜輪無獲故又復計  
此不退轉輪入於空無所遊相故擔怕門者  
無來相故普有所至爲空相故一切等御本  
淨無相故是故名曰不退轉輪又族姓子不  
退轉輪有所遊者而有所至是故名曰不退  
轉輪有所捨施徑有所至是故名曰不退轉



輪如是輒首謂諸菩薩又族姓子所以名曰  
金剛句跡一切諸法皆悉滅寂何謂滅寂一  
切諸法族姓子已了空者金剛句跡也消諸  
邪疑六十二故其無相者金剛句跡也斷絕  
一切諸想念故其無願者金剛句跡也皆度  
一切五趣有爲令滅寂故其法界者金剛句  
跡也超越若干諸壇界故其無本者金剛句  
跡也致無我滅寂故離色欲者金剛句跡也  
蠲除貪欲諸所有故緣起行者金剛句跡也  
不壞本性故了察無爲者金剛句跡也見諸  
法自然故輒首童眞爲諸菩薩竟於三夜普  
分別法彼諸菩薩皆得親近光明華三昧菩

薩設逮於此定者一一毛孔放百千光一一  
 光明化現百千諸佛威儀容又斯佛天中之  
 天所在佛土現作佛事開導衆生羣萌儔類  
 迎逆接納聽受法教

普超三昧經卷第二

惟

熙遊正上許之嬉反羣僚反下郎悸心衢季反反歆今許

反曹目莫崩反又莫中反拯拔去上蒸恤思律反

饋反戶交牀榻上床字惛驚之葉反眩滅上舊音作

茫音忙覈胡革反考憚徒旦反蒸衆之陵反勵

音闡昌演典誥下音告篋反苦叶綜理反上子

織音崖底音宜或作涯飄捷下慈葉反凋



弈

音亦

灼

灼

音光

自

燁

畢

上輒

紆

鬼

反明

下

夷

度

紀

正下

作

汎反

芳

評

帳

上經

或

作

棚

步

耕

反床

也

一

音

平

諸

四

峙

下反

立

也

諧

反戶

皆

豐

許罪

也

反

愆

咎

上反

去

也

下

音音

鞞

綴

上居

宜

反

怵

惕

上反

丑

律

反憂

驚

下也

他

曆

勇

音音

鞞

綴

上居

宜

反

怵

惕

上反

丑

律

反憂

驚

下也

他

曆

隅

音音

愚

正

作

隅

壇

界

上音

蠲

俱除

也

懸

反

惟

！

普

超

三

昧

經

二

卷

！

！

！

！

！

！

！

！

！

！

